

順治—嘉慶朝

# 清實錄經濟史資料

農業編·肆

陳振漢 熊正文 蕭國亮 編



北京大學出版社  
PEKING UNIVERSITY PRESS



順治 — 嘉慶朝

# 清實錄經濟史資料

農業編·肆

《〈清實錄〉經濟史資料》課題組成員：

陳振漢 熊正文 蕭國亮

李 湛 殷漢章 葉明勇

武玉梅 羅熙寧



北京大學出版社  
PEKING UNIVERSITY PRESS

#### 14. 安徽

(順治三、一〇、丁酉) 免江南望江、宿松、太湖、懷寧四縣本年分旱災額賦。(世祖二八、一四)

(順治七、一〇、丁酉) 免江南桐城、潛山、太湖、宿松、休寧、句容等縣逃丁荒地額賦。(世祖五〇、一六)

(順治八、五、丙申) 免江南英山縣寇蓄五、六、七三年分未完錢糧。(世祖五七、九)

(順治一二、二、己卯) 免江南滁、和二州，來安、全椒、含山等縣十一年分水旱災荒額賦。(世祖八九、一一)

(順治一二、九、癸未) 免鳳陽府屬州縣本年分水災額賦有差。(世祖九三、八)

(順治一三、一、庚子) 免江南廣德州十二年分旱災額賦十之一。(世祖九七、一〇)

(順治一八、一一、甲午) 免江南靈璧縣本年分雹災額賦。(聖祖五、一三)

(康熙一、一一、己亥) 免江南潁上等五縣本年分水災額賦有差。(聖祖七、二〇)

(康熙二、一、戊戌) 免江南太和縣康熙元年分水災額賦十之三。(聖祖八、五)

(康熙二、九、丁亥) 免江南滁州、全椒縣、滁州衛本年分旱災額賦十之二。(聖祖一〇、四)

(康熙二、一一、甲戌) 免江南太和、來安、霍山三縣本年分旱災額賦有差。(聖祖一〇、一一)

(康熙三、二、甲午) 免江南壽州等五州縣衛康熙二年分水災額賦有差。(聖祖一一、八)

(康熙三、一〇、乙亥) 免江南宿州等九州縣衛本年分水災額賦有差。(聖祖一三、一〇)

(康熙三、一一、甲午) 免江南泗州等十二州縣衛本年分水災額賦有差。(聖祖一三、一四)

(康熙四、九、丙申) 免江南潁州、太和等六州縣衛本年分旱災額賦有差。(聖祖一六、二〇)

(康熙五、一〇、庚午) 免江南泗州、虹縣、臨淮縣本年分水災額賦有

差。(聖祖二〇、八)

(康熙六、一、戊子)免江南五河等四縣衛康熙五年分蝗災額賦有差。  
(聖祖二一、三)

(康熙七、一〇、戊子)免江南泗州等八州縣本年分水災額賦有差。(聖祖二七、一一)

(康熙八、一二、庚辰)免江南五河縣本年分水災額賦有差。(聖祖三一、二四)

(康熙九、八、癸巳)免江南泗州、臨淮等五州縣并鳳陽等三衛本年分水災額賦有差。(聖祖三三、二六)

(康熙一〇、九、辛未)免江南定遠、臨淮二縣本年分水災額賦有差。  
(聖祖三六、二二)

(康熙一〇、一一、丙子)免江南鳳陽等府屬三十九州縣本年分旱災額賦有差。(聖祖三七、一一)

(康熙一〇、二二、己卯)免江南六安、合肥等九州縣，廬州等三衛本年分旱蝗額賦有差。(聖祖三七、一二)

(康熙一一、一一、丁亥)免江南亳州、懷遠等十二州縣本年分水災額賦有差。(聖祖四〇、一四)

(康熙一二、一一、己丑)免江南六安、虹縣、靈璧三州縣本年分水災額賦有差。(聖祖四四、五)

(康熙一三、一二、壬寅)免江南鳳陽府滁州所屬十五州縣本年分旱災額賦有差。(聖祖五一、一)

(康熙一四、一一、庚子)免江南泗州、盱眙等四州縣本年分水災額賦有差。(聖祖五八、九)

(康熙一七、一一、己亥)免江南宿州靈璧縣本年分水災額賦十之三  
(聖祖七八、二)

(康熙一七、一一、庚申)免江南霍邱縣本年分水災額賦十之一(聖祖七八、一〇)

(康熙一七、一二、庚辰)免江南潁州本年分水災額賦有差。(聖祖七八、一六)

(康熙一八、一二、辛巳)免江南壽州等八十二州縣、廬州等十三衛本年分旱災額賦有差。(聖祖八七、一七)

(康熙二五、四、丙戌)免江南徽、廬、鳳三府屬州縣康熙十七年民欠地丁屯折等銀一萬九千五百餘兩、米一千一百九十八石零。(聖祖一二五、

一三)

(康熙二五、一二、辛亥) 免江南靈璧縣本年分蝗災額賦有差。(聖祖一二八、一二)

(康熙二七、一一、壬辰) 免江南亳州等三州縣本年分水災額賦有差。(聖祖一三七、二七)

(康熙三二、一〇、乙未) 免江南全椒縣本年分水災額賦有差。(聖祖一六〇、二六)

(康熙三五、一一、甲寅朔) 免江南泗州等八州縣本年分水災額賦有差。(聖祖一七八、一)

(康熙三六、一一、辛卯) 免江南泗州等四州縣本年分水災額賦有差。(聖祖一八六、四)

(康熙三七、八、戊辰) 免江南壽州、鳳陽等十二州縣本年分水災額賦有差。(聖祖一八九、一九)

(康熙三八、四、乙卯) 諭戶部：朕巡幸江南，徧察地方疾苦，深知民間生計艱難，將通省積欠錢糧盡行蠲免。所過州縣，有被災甚重者，俱經賑濟，務俾得所。茲聞鳳陽府屬，去歲潦災甚重，是用破格加恩，以示優卹。康熙三十七年該府屬壽州、泗州、亳州、鳳陽、臨淮、懷遠、五河、虹縣、蒙城、盱眙、靈璧十一州縣並泗州一衛未完地丁漕項等銀米，著一概免徵。爾部行文該督撫，即飭該地方有司，張示曉諭，令窮鄉僻壤，咸悉朝廷曲軫災黎至意。如有不肖官吏，悖旨私徵，使百姓不霑實惠者，察出定治重罪。爾部即遵諭行。(聖祖一九三、六)

(康熙三八、一一、壬子) 免江南潁上縣本年分水災額賦有差。(聖祖一九六、九)

(康熙三九、七、丙申) 免江南泗州盱眙縣本年分水災額賦。(聖祖二〇〇、四)

(康熙三九、九、庚戌) 免江南潁州、霍邱等五州縣本年分水災額賦有差。(聖祖二〇一、一四)

(康熙四〇、一、壬子) 免江南宿州衛康熙三十九年分水災額賦有差。(聖祖二〇三、三)

(康熙四一、一一、丙辰) 又諭戶部：……江北田土瘠薄，生計尤艱，朕心彌切軫念。著將安徽巡撫所屬府州縣衛等處康熙四十二年地丁錢糧，除漕項外，通行蠲免。地方有司，務要切實奉行，俾小民得霑實惠，以副朕愛養黎元至意。儻有不肖官吏陽奉陰違，或借端苛取，澤不下究，事發定從重

治罪不宥。(聖祖二一〇、一〇)

(康熙四一、一二、甲申)免江南亳州等四州縣衛本年分水災額賦有差。  
(聖祖二一〇、一六)

(康熙四四、一〇、乙未)免江南壽州、臨淮等十州縣，鳳陽等三衛本  
分水災額賦有差。(聖祖二二二、一八)

(康熙四五、一二、辛卯)免江南潁州並潁州衛本年分水災額賦有差。  
(聖祖二二七、二五)

(康熙四六、一二、壬午)免江南滁州、定遠等七州縣，泗州等三衛本  
年分旱災額賦有差。(聖祖二三一、二二)

(康熙四八、四、戊午)免江南和州、潛山等十七州縣衛康熙四十七年  
分水災額賦有差。(聖祖二三七、一六)

(康熙四九、一二、己巳)免江南舒城縣本年分水災額賦有差。(聖祖二  
四四、二〇)

(康熙五〇、一二、丙辰)免江南六安、壽州等六州縣，廬州衛、鳳陽  
右衛本年分旱災額賦有差。(聖祖二四八、二七)

(康熙五三、九、壬子)免江南蒙城縣本年分旱災額賦有差。(聖祖二六  
〇、八)

(康熙五五、九、丁巳朔)免江南宣城等三縣本分水災額賦有差。(聖祖  
二六九、一〇)

(康熙五五、九、辛巳)免江南宿松縣本年分水災額賦有差。(聖祖二六  
九、二一)

(康熙五八、九、乙未)免江南歙縣等五縣康熙五十七年分水災額賦有  
差。(聖祖二八五、一八)

(康熙六一、六、乙丑)免江南休寧等十一縣、新安一衛康熙六十年分  
旱災額賦有差。(康熙二九八、五)

(雍正一、五、庚辰)免江南壽州、合肥等十四州縣，廬州等六衛康熙  
六十一年分旱災額賦有差。(世宗七、二)

(雍正三、一二、辛巳)免江南太平、盱眙、泗州三州縣本年分旱災額  
賦有差。(世宗三九、二二)

(雍正四、八、甲申)免江南泗州本年分水災額賦有差。(世宗四七、  
一六)

(雍正四、一一、庚子)免江南宿松縣本年分水災額賦有差。(世宗五  
〇、九)

(雍正四、一一、壬寅) 免江南無爲、望江二州縣本年分水災額賦有差。  
(世宗五〇、一〇)

(雍正四、一一、癸丑) 免江南銅陵縣本年分水災額賦有差。(二世宗五〇、一八)

(雍正四、一二、丙寅) 免江南宣城等三縣本年分水災額賦有差。(世宗五一、一四)

(雍正四、一二、戊辰) 免江南南陵等四縣本年分水災額賦有差。(世宗五一、一九)

(雍正五、八、辛卯) 免江南泗州、桐城等十州縣雍正四年分水災額賦有差。(世宗六〇、八)

(雍正六、五、壬戌) 免江南無爲、宿松等五州縣雍正五年分水災額賦有差。(世宗六九、六)

(雍正六、九、丁卯) 免江南懷寧等十四縣、鳳陽一衛雍正五年分水災額賦有差。(世宗七三、一九)

(雍正八、一〇、甲辰) 免江南壽州、合肥二州縣，廬州一衛雍正七年分旱災額賦有差。(世宗九九、一〇)

(雍正九、三、丁丑) 免江南建平縣雍正八年分水災額賦有差。(世宗一〇七、四)

(雍正九、六、丙申) 免江南宣城等四縣雍正八年分水災額賦有差。(世宗一〇七、四)

(雍正九、八、戊午) 免江南無爲、寧國等十州縣，鳳陽、長淮二衛雍正八年分水災額賦有差。(世宗一〇九、二六)

(雍正一〇、八、丙寅) 免江南滁州、寧國等五州縣雍正九年分水災額賦有差。(世宗一二二、一〇)

(雍正一一、八、辛未) 免江南六安、舒城等七州縣，宿州一衛雍正十年分水災額賦有差。(世宗一三四、一一)

(雍正一二、一二、癸卯) 免安徽滁州、宣城等十二州縣衛本年分水災額賦有差。(世宗一五〇、三)

(雍正一三、一二、戊辰) 免安慶、泗州、潛山縣水災應蠲銀兩米麥，緩徵現年額賦，兼賑飢民。(高宗八、九)

(乾隆一、一〇、丁亥) 緩徵安徽宿州等十二州縣被水災田額賦，截漕平糶。(高宗二九、一二)

(乾隆二、五、丙辰) 免安徽宿州水災乾隆元年分額賦有差。(高宗四

## 三、二一)

(乾隆二、一一、丙寅)蠲賑安徽太平、合肥、舒城、廬江、巢縣、和州、含山、石埭、懷遠、六安、新安十一州縣衛被水災民。(高宗五六、一五)

(乾隆三、三、癸酉)免安徽太平、石埭、合肥、舒城、廬江、巢縣、懷遠、六安、和州、含山等十州縣并新安衛水災額賦有差。(高宗六五、一四)

(乾隆三、四、己丑)免安徽被旱之壽州本年應徵漕項銀糧。(高宗六六、一〇)

(乾隆四、三、戊午)諭：據安徽巡撫孫國璽奏稱，宿州、鳳臺、靈璧、右埭等四州縣，上年雖未被旱，但查有未完雍正十三年、乾隆元年、二年錢糧，均係從前災緩之項，例應現在分年帶徵；又舊欠錢糧之隨徵耗羨，及被災所屬內尚有未完乾隆元、二兩年災緩漕糧，亦係帶徵之項。其成災之太平、銅陵、壽州、貴池、桐城、涇縣、巢縣、臨淮、懷遠、定遠、虹縣、霍山、和州、無為、望江、青陽、當塗、繁昌、合肥、廬江、鳳陽、霍邱、泗州、全椒、含山并長淮衛等二十六州縣衛內，勘不成災之田地并上年被旱勘不成災之潛山、宿松、東流等三縣，及未經被旱之歙縣、休寧、祁門、黟縣、績溪、建德、阜陽、宿州衛等各縣衛，均有未完各年錢糧。俱應限年催徵，非係分年帶徵之項。再，蘆課向於每歲冬涸之候，始行砍伐，是以課賦遞年壓徵，亦非分年帶徵之項。合行分晰奏聞等語。朕因上年安徽旱災甚重，時深軫念，曾降諭旨，將所有雍正十三年、乾隆元年、二年之災分未完地糧蘆課，及米穀麥豆等項，例應將來分年帶徵者，悉行豁免。今宿州、鳳臺、靈璧、石埭四州縣，雖未被旱，所有未完雍正十三年、乾隆元年、二年錢糧，亦係從前被災緩徵之項，現在分年帶徵，與江蘇各屬被水緩徵等項相同，著一體加恩豁免。其舊欠之隨徵耗羨并被災各屬帶徵乾隆元、二兩年之災緩漕糧，著遵照前旨，俱隨正項豁免。至成災之太平、銅陵等二十六州縣衛內，雖尚有勘不成災之地畝，而收成亦屬歉薄，且農民工本，較之常年，自必多費。所有舊欠錢糧，現在催徵，小民未免苦累。著該撫查明，一併豁免。其未經被旱及勘不成災之各州縣，雖稍有收成，而介於成災之區，仍不免於物力艱難。所有催徵舊欠錢糧，亦著加恩分年帶徵，以紓民力。再，蘆課除係遞年壓徵之項照例徵收外。如有舊欠力不能完應行豁免者，著仍照前旨行。戶部可即行文該督撫，一一遵照辦理，出示曉諭，務期實惠均霑，以副朕加惠元元之至意。(高宗八八、一四)

(乾隆四、四、丁丑) 免安徽壽州乾隆三年旱災場地額賦。(高宗九〇、三)

(乾隆五、二、壬辰) 免安慶宿州乾隆四年分雹災額賦十之七。(高宗一一、四)

(乾隆五、七、己丑) 免安徽鳳陽、宿州、臨淮、懷遠、虹縣、靈璧、阜陽、潁上、亳州、太和、蒙城、泗州、五河、盱眙、天長等十五州縣，鳳陽、宿州、長淮、泗州等四衛四年分水災；無爲、合肥、廬江、和州等四州縣四年分旱災；額徵銀三萬八千五百一十八兩有奇，米一千六百九十七石九斗有奇。(高宗一二三、一〇)

(乾隆五、七、戊子) 緩徵安徽宣城縣並宣州衛本年分雹災額賦，兼賑飢民。(高宗一二三、一〇)

(乾隆五、一二、壬寅) 蠲免安慶宣城、宣州二縣衛本年雹災錢糧。(高宗一三二、五)

(乾隆六、八、乙未) 賑安徽宿州、壽州、鳳臺、鳳陽、臨淮、懷遠、虹縣、靈璧、潁上、霍邱、蒙城、泗州、盱眙、五河等十四州縣，鳳陽、鳳陽中、長淮、泗州、宿州等五衛水災飢民，并緩徵新舊額賦。(高宗一四八、六)

(乾隆六、一〇、戊申) 諭：今年上江鳳陽等十六州縣，夏秋被水，有傷禾稼，且彼地土瘠民貧，連年被潦，朕心深爲軫念。著將勘實成災地畝應徵漕米漕項，照分年帶徵之例，緩至來歲分兩年帶徵。其勘未成災之地畝，亦被久雨淹浸，顆粒粃細，難以交倉。准照收銀之例，每石折銀一兩完納。至宿州、靈璧、虹縣三州縣被災更重，且屢年歉收，民情艱窘，尤當格外施恩，毋使輸將竭蹶。著將成災地畝應完漕米漕項，各照成災分數與地丁一體豁免；其勘不成災之地畝，所有應完漕米漕項，亦准緩至來年帶徵。並將此三州縣及宿州衛勘不成災之地丁，亦准緩至來年麥收後開徵。俾閭閻無迫呼之擾，官吏無催科之勞，得以專心於撫卹。該部可即傳諭該督撫遵行。尋戶部議准：安徽巡撫張楷疏報，宿州、靈璧、虹縣、鳳陽、臨淮、懷遠、壽州、鳳臺、定遠、潁上、霍邱、蒙城、亳州、阜陽、太和、五河、盱眙、天長、滁州、來安、全椒、和州、含山、無爲州、舒城廿五州縣，宿州、鳳陽、鳳陽中、長淮、泗州、滁州六衛被災軍民，加賑有差。宿州、靈璧、虹縣成災地畝，本年漕米漕項，均與蠲免；其三州縣勘不成災之地畝，本年漕米漕項、地丁錢糧，緩至來年帶徵。懷遠、壽州、鳳臺、定遠、潁上、霍邱、蒙城、亳州、阜陽、太和、五河、盱眙、天長、無爲州、舒城等處成災地畝本年漕米項，緩至來年帶徵；其勘不成災地畝，改折完漕。(高宗一五三、一)

(乾隆七、二、庚子) 緩徵安徽鳳陽、潁州、泗州屬乾隆六年水災額賦，

兼帶徵銀米。(高宗一六〇、七)

(乾隆七、五、庚申)免安徽桐城、涇縣、太平、廬州府、舒城、廬江、六安、泗州、盱眙、天長、含山、廣德等十二府州縣乾隆三年旱災學田租銀。(高宗一六六、四)

(乾隆七、八、辛卯)戶部議准：安徽巡撫張楷疏報，鳳陽、懷遠、虹縣、靈璧、蒙城、五河等六縣被水，并霉爛二麥。其新舊錢糧，暫緩催徵；無力貧民，酌借籽種。至二麥歉收各戶，借給口糧一月。從之。(高宗一七二、一七)

(乾隆七、一一)〔是月〕安徽巡撫張楷奏：宿州、懷遠、虹縣、靈璧、鳳臺、阜陽、潁上、亳州、蒙城、太和、泗州、五河、天長等十三州縣，雖勘不成災，但未淹地畝無幾，收穫甚微。所有新舊錢糧，應概行停徵，統俟來歲熟後啟徵。其軍衛地畝，附屬各州縣境內者，一例辦理。得旨：是。應如是以蘇災黎、復元氣也。(高宗一七九、二四)

(乾隆八、三、壬申)戶部議覆：調任安徽巡撫喀爾吉善奏稱，鳳、潁、泗三屬各州縣衛，因被災蠲餘應徵銀米，例係分年帶徵之款。應如所奏，請旨豁免。至節年舊欠，係從前未完之項，未便如該撫所請，一併免徵。得旨：乾隆七年，上江鳳、潁、泗三府州屬，被災田地，除照例應免分數外，尚有蠲剩應徵地漕銀米，例係分年帶徵者，朕念該處積歉之後，又被水災，民力拮据，俱著加恩寬免。餘依議。(高宗一八七、六)

(乾隆八、四、甲申)免安徽壽州、宿州、鳳陽、臨淮、懷遠、定遠、虹縣、靈璧、鳳臺、阜陽、潁上、霍邱、亳州、蒙城、太和、泗州、盱眙、天長、五河、懷寧、桐城、宿松、望江、貴池、東流、六安、滁州、來安等二十八州縣，鳳陽、鳳中、長淮、泗州、安豐六衛本年水災額賦有差。(高宗一八八、五)

(乾隆八、七、癸未)貸安徽寧國、貴池、和州、含山等四州縣雹災飢民，并緩徵本年分額賦。(高宗一九六、五)

(乾隆八、一〇、庚午)緩安徽太平、壽州、鳳臺、鳳陽、懷遠、霍邱、泗州、盱眙、天長等九州縣及新安、鳳陽、鳳中、泗州、長淮等五衛水災軍民新舊額徵，並分別賑貸。(高宗二〇三、九)

(乾隆八、一〇)〔是月〕安徽巡撫范璨奏：鳳陽、泗州一帶，連年積歉，復被旱災；桐城、宣城、南陵、銅陵、繁昌、無為、廬江、臨淮、建平等九州縣，又皆被水。現在分別蠲緩賑卹。得旨：欲慰朕懷，必實力妥辦賑務，使小民不至失所，方能稍解飢溺之思而已。(高宗二〇三、二一)

(乾隆八、一一、庚辰)又諭：安徽省鳳、潁、泗三府州屬，壽、宿等二十四州縣衛，連年被災歉收，民生艱苦。朕加恩撫卹，蠲賑兼施，務期登之衽席。所有未完帶徵之舊欠，原降諭旨令俟民間元氣漸復之後，另行定限帶徵。今思此等地方，當積困之餘，既有本年應納之錢糧，又有昔年帶徵之舊項，勢難竭蹶輸將，深可軫念。著將鳳、潁、泗三府州屬壽、宿等二十四州縣衛，乾隆七年舊欠地漕銀兩，隨同新糧，於本年十月徵收；其六年以前現應帶徵地丁及折漕銀兩，緩俟甲子年麥熟後起限徵收；應改徵穀石之舊欠漕米，於秋收後起限徵收，仍照定例分年帶納。所有宿州、靈璧、虹縣、臨淮、懷遠、泗州、五河等七州縣五年以前未完帶徵銀兩，及漕項銀米，仍俟年歲屢豐後定限帶徵；其本年歲旱地方，照例另請停緩。如此，則民力得以稍紓，庶副朕撫綏養之意。該部即遵諭行。(高宗二〇四、四)

(乾隆八、一一、辛巳)賑貸安徽無為州被水災民，蠲免本年額賦。(高宗二〇四、八)

(乾隆八、一一、丁亥)諭：今年上江所屬地方有旱潦偏災之處，如桐城、宣城、南陵、銅陵、繁昌、無為、廬江、建平等八州縣所有勘實成災之地，朕心軫念。其應完漕糧漕項，著緩至來歲徵收，以免歲內催科。至壽州、鳳臺、鳳陽、懷遠、臨淮、泗州、盱眙等七州縣，雖成災止有五分，而地土瘠薄，連年荒歉之後，民力均覺艱難。著將此七州縣及坐落七州縣之衛田應完漕糧漕項，概行緩至來歲徵收，以紓民力。朕原降旨截留江南漕糧十萬石於本省，以補倉儲，今將所緩即算在截留之內，不過補倉略遲，而閭閻得以從容輸納，自可免於竭蹶。該部可速傳諭該督撫知之。(高宗二〇四、一二)

(乾隆八、一一、丁未)賑貸安徽壽州、鳳陽、懷遠、鳳臺、泗州、盱眙等六州縣及鳳中、長淮、泗州等三衛被旱軍民，緩徵新舊額賦。(高宗二〇五、一九)

(乾隆九、一、丙午)諭：上年上下兩江，秋收大概豐稔，間有偏災地方，朕已加恩蠲緩賑卹。其壽州、鳳臺、鳳陽、懷遠、臨淮、桐城、泗州、盱眙八州縣勘不成災地畝，所有新舊錢糧，原應照例催徵，但念該處連年積歉之後，雖未成災，收成不無歉薄。目下正當青黃不接之時，若仍事迫呼，閭閻未免拮据。著將壽州等八州縣並坐落八州縣之衛田應納新舊錢糧，俱緩至本年麥熟後徵收，以示朕體卹烝黎之至意。該部即遵諭行。(高宗二〇九、一三)

(乾隆九、二、丙辰)蠲免安徽桐城、宣城、南陵、銅陵、繁昌、無為、廬江、臨淮、建平等九州縣并無為州歸衛田地上年水災額賦有差。(高宗二

一〇、一〇)

(乾隆九、六、甲寅)諭：安徽之鳳、潁、泗三府州屬，連災之後，朕屢經降旨，將舊欠銀糧，分別緩徵，俟豐收後起限收納。此時二麥登場，正宜催輸積欠之候，但查壽州等州縣衛，從前被災稍重，實為積困之區。若令新舊銀米，同時並徵，小民未免拮据。著將壽州、鳳陽、阜陽、亳州、蒙城、太和、盱眙、天長八州縣，並附入各州縣之鳳陽、鳳中、長淮、泗州、宿州五衛，應徵乾隆五年以前未完舊欠銀兩，緩俟六、七、八等年應徵民欠全完之後，啟限徵收，以紓民力。該部即遵諭行。(高宗二一八、七)

(乾隆九、八、庚戌)豁免安徽省雍正十三年分鳳、淮二倉項下未完銀米及常盈倉地租額。(高宗二二二、一一)

(乾隆九、九、戊寅)戶部議覆：安徽巡撫準泰疏報，安省六月以內，大雨時行，河水陡漲，鳳陽府屬之懷遠、壽州、鳳臺，潁州府屬之阜陽、潁上窪地被淹。又七月初四等日，風雨交作，蛟漲尤甚，徽州府屬之歙縣、休寧、婺源、績溪，寧國府屬之宣城、南陵、涇縣、寧國、旌德、太平，池州府屬之貴池、青陽、東流，太平府屬之蕪湖、繁昌，廣德州并所屬之建平一十七州縣，又安慶、宣州、建陽、鳳中四衛，田禾淹沒，民房、官舍、城垣，多有坍塌。現飛飭印官確勘，設法宣洩。各屬應完新舊錢糧，請暫行停緩；其不成災之處，照例酌借籽種口糧。仍將成災田畝，俟勘明分數，題請豁免。應如所請，分別極次大小飢口，動支存倉米賑卹。其歙、休、婺、績等四縣，該撫稱僻處萬山，市米缺少，應令各屬倉糧先儘本邑散賑外，不敷，即於鄰近州縣撥協。再貧生一項，如果被災不能謀生，亦應照乾隆三年諭旨，飭該教官造冊申送州縣，於存公項下，撥交本學勻給，事竣核實題銷。得旨：依議速行。(高宗二二四、七)

(乾隆九、一一、己卯)蠲賑安徽歙縣、休寧、婺源、績溪、宣城、南陵、涇縣、寧國、旌德、貴池、東流、蕪湖、鳳臺、鳳陽、懷遠、廣德、建平等十七州縣，安慶、宣州、建陽、鳳陽等四衛被水災民，並緩徵太平、青陽、繁昌、壽州、阜陽、潁上等六州縣新舊錢糧。(高宗二二八、七)

(乾隆九、一二、戊辰)蠲免安徽歙縣、休寧、婺源、績溪、宣城、南陵、涇縣、寧國、旌德、貴池、東流、蕪湖、鳳臺、懷遠、廣德、建平、鳳陽等十七州縣並安慶、宣州、建陽、鳳中等四衛被水災民本年額賦有差。(高宗二三一、一〇)

(乾隆一〇、六、庚戌)諭：據準泰奏稱，各省蠲免錢糧之例，凡遇特恩蠲免者，其耗羨仍舊輸納；若因水旱蠲免者，不得徵收耗羨。查安徽所屬鳳、

潁、泗等處，從前連值災傷，乾隆七年又復被水，荷蒙天恩，於成災分數例免錢糧外，復將蠲餘應行帶徵地漕銀八萬九千二百餘兩、地漕米一萬一千八百餘石，俱奉特恩寬免。此原係因災而加之曠典，所有應徵耗羨銀九千一百七十四兩零，似應一例免徵。但從前未經奏明，難以遵辦等語。鳳、潁、泗等處蠲免帶徵地漕銀米一案，雖係特恩，實因彼地災傷而沛澤於格外者。所有應徵耗羨，亦著寬免。該部即速行文該省督撫遵諭行。（高宗二四二、一九）

（乾隆一〇、七、戊子）緩徵安徽壽州、宿州、鳳陽、臨淮、懷遠、虹縣、靈璧、鳳臺、阜陽、潁上、泗州、五河等十二州縣，鳳陽、鳳中、宿州等三衛水災，鳳臺、潁上、蒙城等三縣雹災額賦，賑貸飢民。（高宗二四五、七）

（乾隆一〇、八）〔是月〕安徽巡撫魏定國奏：安省鳳、潁、泗等屬及鳳、宿等衛從前被水麥田，秋禾續報被淹，臣照例查明賑卹。其廣、滁、和等州屬間有淹漫之處，一體查辦。再，被水各州縣，應徵新舊錢糧，分別停緩，並設法疏消積水，俟應種麥時，酌借籽種。得旨：是。諸凡妥協撫卹，恐汝查察不能周到，須實力勉爲之。（高宗二四七、一五）

（乾隆一〇、一一、己丑）〔戶部〕又議覆：安徽巡撫魏定國疏稱，宿州、鳳陽、臨淮、懷遠、虹縣、靈璧、鳳臺、阜陽、潁上、霍邱、亳州、蒙城、泗州、盱眙、五河、全椒、和州、含山、建平、合肥、太和等二十一州縣，鳳陽、鳳陽中、宿州、廬州、長淮等五衛秋禾被水成災。最重之宿州、靈璧、虹縣、亳州、蒙城應徵漕糧漕項，請按分蠲免；蠲剩者，緩至來秋帶徵。次重之鳳、臨等二十一縣衛，本年災田應完漕糧漕項并上年級徵漕糧，均緩至來秋，補徵搭運；未完節年漕項，分年帶徵。所奏與確勘實在情形、臨時請旨蠲緩例相符，應請旨遵行。被災各屬應支俸工驛站等項，錢糧既准蠲緩，應如該撫所請，於匣費內借給，來歲徵還。至鳳、潁、泗等府州屬，丙寅年應解河工錢糧，准借支司庫地丁銀，開徵歸還。得旨：依議。宿州等州縣衛應徵漕糧漕項等項，著照該撫所請速行。（高宗二五三、一〇）

（乾隆一一、五、己未）又諭：江南上江之鳳、潁、泗三屬，上年被災各州縣衛，已加恩蠲賑頻施，今春又降旨分別加賑。今當麥收之後，所有舊欠錢糧，例應催徵完納。從前降旨，宿州等州縣舊欠錢糧，俟年歲屢豐後帶徵，鳳陽等州縣衛，舊欠錢糧，俟六、七、八等年民欠全完之後，起限徵收。但念宿州、鳳陽、臨寧、懷遠、虹縣、靈璧、鳳臺、阜陽、潁上、亳州、蒙城、太和、泗州、盱眙、五河、霍邱等十六州縣並鳳陽、鳳中、長淮、宿州等四衛，皆六、七等年連被災祲之區，上年又值歉收，若帶徵積年舊欠，民力未免拮据。所有宿州等二十州縣衛，今年麥收後，著只帶徵十年

一年未完之項，其六年起至九年舊欠，均緩至戊辰年起，分年帶納。其霍邱縣五年以前舊欠，亦著俟六、七、八等年舊欠徵完之後，再行啟徵。該部即遵諭行。(高宗二六七、一四)

(乾隆一一、七、丁未)賑貸安徽靈璧縣被雹災民，并予緩徵。(高宗二七〇、二三)

(乾隆一一、一〇、戊子)戶部議覆；安徽巡撫潘思渠等疏稱，壽州、宿州、鳳陽、臨淮、懷遠、虹縣、靈璧、鳳臺、阜陽、潁上、霍邱、亳州、蒙城、太和、泗州、盱眙、五河、天長等十八州縣，鳳陽、鳳中、泗州、長淮、宿州等五衛被水成災地畝，所有應蠲錢糧，另行題豁外，其被災貧民貧生，分別極次給賑；衝塌房屋，並予修費；被淹城垣，動項興修；五河縣漫溢壩埂，一體估報搶築等語。均應如所請。又各州縣衛本年被災較重，請將漕糧漕項，照地丁之例，按分蠲免。至蠲剩銀米，緩至來秋帶徵。內壽州、虹縣、阜陽、霍邱、太和、天長等六州縣被災稍輕，本年漕糧漕項，緩至來秋補徵。各邑未完節年漕項銀米，統請分年帶徵，候旨遵行。得旨：依議。宿、壽等州縣衛應徵本年漕糧漕項及蠲剩銀米、未完節年漕項銀米，俱著照該撫等所請速行。(高宗二七七、二〇)

(乾隆一一、一二、癸酉)免安徽泗州水災學田額賦。(高宗二八〇、二二)

(乾隆一二、三、庚子)諭：朕普免天下錢糧，今歲係安徽輪免之年，聞該省有馬田稻租一項，係歸公官田，不在蠲免之列。但念民佃終歲勤動，不得一體邀恩，未免向隅。著加恩將馬稻租息，蠲免十分之三俾耕佃農民，均霑實惠。該部遵諭速行。(高宗二八六、一四)

(乾隆一二、三、丙午)免安徽壽州、宿州、鳳陽、臨淮、懷遠、虹縣、靈璧、鳳臺、阜陽、潁上、霍邱、亳州、蒙城、太和、泗州、盱眙、天長、五河等十八州縣，鳳陽、鳳中、長淮、宿州、泗州等五衛，并泗州續報學田，乾隆十一年分水災額徵銀七萬六千五百一十七兩有奇，米三百五十七石八斗有奇，麥五十二石九斗有奇。(高宗二八七、二)

(乾隆一二、一〇、丙子)諭：安徽宿、虹等處，秋禾被水成災，業經加恩賑卹。其漕項銀米，例應照常徵納。但思該地方積歉之餘，民間元氣未復，輸將未免拮据。所有宿州、靈璧、虹縣、宿州一衛，應徵漕項銀米，俱著暫緩徵收，俟來秋補徵搭運。其未完節年漕項，亦著停緩，照例分年帶徵，以紓民力。該部即遵諭行。(高宗三〇一、四)

(乾隆一二、一二、辛酉)加賑安徽歙縣、黟縣、績溪、宿州、靈璧、

虹縣并宿州衛本年水災飢民，並緩徵新舊錢糧；其應蠲額賦，命於明歲補蠲。（高宗三〇四、一〇）

（乾隆一二、一二）〔是月〕調任安徽巡撫潘思渠奏：查安徽省之宿州、靈璧、虹縣、臨淮、懷遠、泗州、五河等七州縣被災地方，土瘠民貧，生計艱難，即使屢豐，元氣未能驟復，新糧舊賦並輸，不免拮据。請將乾隆五年以前未完帶徵地漕等銀五萬八千四百一十七兩零，并隨正耗羨，一體豁免。得旨：所奏是。何不早奏，至今始留去後之思乎？（高宗三〇五、三五）

（乾隆一三、三、癸巳）蠲安徽歙縣、黟縣、績溪、宿州、虹縣、靈璧及宿州衛乾隆十二年被水田地銀四千二百兩有奇，米六十三石八斗有奇，豆十七石有奇。（高宗三一〇、二四）

（乾隆一三、五、壬寅）蠲免安徽旌德、合肥、來安、和州、含山、新安、廬州等七州縣衛十二年分旱災額賦有差。（高宗三一五、一〇）

（乾隆一三、七、丙午）貸安徽貴池、青陽、石埭、懷遠、阜陽、潁上、霍邱、泗州、盱眙、泗州衛等十州縣衛被水被雹貧民口糧籽種，并緩徵新舊錢糧。（高宗三一九、一八）

（乾隆一三、一〇、癸卯）緩徵安徽貴池、青陽、石埭、懷遠、阜陽、潁上、霍邱、泗州、盱眙、太平十州縣并泗州衛夏麥水雹成災地新舊錢糧，貸貧民口糧籽種。（高宗三二七、一五）

（乾隆一四、三、癸丑）緩徵安徽潁上、霍邱二縣乾隆十三年被水田畝應徵額賦。（高宗三三六、一三）

（乾隆一四、五、丙辰）免安徽阜陽、潁上、霍邱、鳳陽、懷遠、定遠、泗州、盱眙、來安并鳳陽中、長淮、泗州、滁州等十三州縣衛乾隆十三年分水旱災田地銀一萬一百七十兩有奇、米一千三十石有奇、豆二十石有奇。（高宗三四〇、二一）

（乾隆一四、七、丙寅）又諭：據黃廷桂奏稱，上江所屬之合肥、壽州、鳳臺、鳳陽、貴池、懷遠、靈璧、虹縣、滁州、全椒、和州、泗州、五河、臨淮、盱眙、鳳陽衛、長淮衛十七州縣衛俱各被水，其臨河窪下之處，秋成未免失望等語。今歲各路豐稔，該處雖屬偏災，但被水貧民，不無拮据。所有應完新舊錢糧，著加恩緩至明年麥熟後開徵，以紓民力。該部即遵諭速行。（高宗三四五、一〇）

（乾隆一四、一〇、乙酉）諭：今歲各省大概豐收，惟安徽省之壽州、鳳陽、臨淮、泗州、鳳臺、懷遠、五河、霍邱八州縣並坐落之鳳陽、鳳中、長淮、泗州等四衛，原係積歉之區，而本年六七月間，大雨疊降，被災稍

重，未免向隅。再宿州、虹縣、靈璧三州縣及宿州衛，被災雖輕，民力不無拮据。應加恩將漕米漕項，分別蠲緩，以紓民力。著將壽州等八州縣及坐落之鳳陽等四衛，按成災分數，照例蠲免。其蠲剩銀米，著於次年帶徵搭運。再，宿州等三州縣及宿州衛，亦一併緩徵，俟至次年完納，以昭朕軫卹民依之意。該部即遵諭速行。（高宗三五〇、二三）

（乾隆一五、三、戊午）蠲安徽貴池、石埭、合肥、壽州、鳳臺、宿州、鳳陽、臨淮、懷遠、定遠、虹縣、靈璧、阜陽、潁上、霍邱、亳州、泗州、盱眙、五河、滁州、全椒、來安、和州等二十三州縣並廬州、鳳陽、鳳中、長淮、宿州、泗州、滁州等七衛乾隆十四年分水災田地額賦有差，並緩蠲餘帶徵及勘不成災新舊各項地丁銀米；賑卹借貸如例。（高宗三六〇、二三）

（乾隆一五、四、乙未）豁免安徽貴池、石埭、合肥、壽州、鳳臺、宿州、鳳陽、臨淮、懷遠、定遠、虹縣、靈璧、阜陽、潁上、霍邱、亳州、泗州、盱眙、五河、滁州、全椒、來安、和州等二十三州縣并廬州、鳳陽、鳳中、長淮、宿州、泗州、滁州等七衛，乾隆十四年分水災銀一萬七千六百九十七兩零，米一千三百八十四石零，麥五十四石零，豆五十二石。（高宗三六三、一九）

（乾隆一六、辛酉）免安徽壽州、鳳臺、宿州、鳳陽、臨淮、懷遠、定遠、虹縣、靈璧、阜陽、潁上、霍邱、亳州、蒙城、泗州、盱眙、五河、滁州、全椒、和州、含山、太和、鳳陽、長淮、滁州等二十五州縣衛乾隆十五年水災額賦，並緩應徵漕項銀米。（高宗三九三、一七）

（乾隆一六、一〇、甲寅）賑貸安徽歙縣、績溪、宣城、南陵、涇縣、寧國、旌德、太平、貴池、青陽、銅陵、壽州、和州、廣德、建平等十五州縣，宣州、建陽、鳳陽歸併原鳳中等三衛本年旱災，宿州、虹縣、靈璧等三州縣，長淮歸併原宿州衛本年水災貧民。并緩應徵新舊錢糧及借欠籽種口糧。（高宗四〇一、八）

（乾隆一六、一二、辛亥）緩徵安徽壽州、宿州、虹縣、靈璧、銅陵、廣德、建平、歙縣、績溪等九州縣本年水旱災應徵漕糧漕項銀米。（高宗四〇五、六）

（乾隆一八、三、戊寅）賑卹安徽壽州、鳳陽、臨淮、定遠、霍邱、泗州、盱眙、天長等八州縣及鳳陽、長淮、泗州等三衛乾隆十七年旱災飢民，並蠲緩額賦。其壽、定、霍、泗、盱、天等六州縣漕糧漕項銀米，鳳陽、臨淮二縣漕項銀及舊欠漕糧并衛田應徵新舊漕糧漕項，均予緩徵。（高宗四三五、一一）

(乾隆一九、三、庚午) 蠲緩安徽太平、壽州、宿州、鳳陽、臨淮、懷遠、虹縣、靈璧、鳳臺、阜陽、潁上、霍邱、亳州、太和、泗州、盱眙、天長、五河、滁州、全椒等二十州縣，新安、鳳陽、長淮、泗州、滁州等五衛乾隆十八年水災應徵額賦，並予加賑；其應徵漕項銀米，除被災較輕之太平、滁州、全椒三州縣，新安、滁州二衛外，分別蠲免緩帶有差。(高宗四五九、七)

(乾隆一九、五、己丑) 蠲緩安徽屬太平、壽州、宿州、鳳陽、臨淮、懷遠、虹縣、靈璧、鳳臺、阜陽、潁上、霍邱、亳州、太和、泗州、盱眙、天長、五河、滁州、全椒并新安、鳳陽、原鳳、中右、長淮等二十五州縣衛乾隆十八年分水災額賦。(高宗四六四、一四)

(乾隆一九、一〇、乙卯) 賑卹安徽壽州、鳳陽、臨淮、懷遠、鳳臺、霍邱、泗州、盱眙、天長、五河、滁州、全椒、來安、和州、含山等十五州縣，長淮、鳳陽、泗州、滁州等四衛本年水災饑民，並停應徵新舊額賦及節年民欠籽種。其本年應徵并舊欠漕項銀米，除向無應徵漕米之全椒、來安、和州、含山、滁州并衛外，概予緩徵。(高宗四七四、一〇)

(乾隆二〇、二、癸亥) 緩徵安徽壽州、鳳陽、臨淮、懷遠、鳳臺、霍邱、泗州、盱眙、天長、五河、滁州、全椒、來安、和州、含山等州縣并鳳陽、長淮、泗州、滁州等衛上年被水田地蠲剩銀米；分別加賑口糧、借給籽種。(高宗四八三、八)

(乾隆二〇、五、甲戌) 免安徽壽州、鳳陽、臨淮、懷遠、鳳臺、霍邱、泗州、盱眙、天長、五河、滁州、全椒、來安、和州、含山、鳳陽、長淮、泗州、滁州等十九州縣衛水災額賦有差。(高宗四八八、一)

(乾隆二〇、一〇、丁巳) 賑卹安徽無為、合肥、廬江、巢縣、壽州、鳳臺、宿州、鳳陽、懷遠、定遠、虹縣、靈璧、阜陽、潁上、霍邱、亳州、蒙城、太和、泗州、盱眙、天長、五河、滁州、全椒、來安、和州、含山等二十七州縣，廬州、鳳陽、長淮、泗州、滁州等五衛本年水災饑民；並緩徵新舊錢糧。(高宗四九九、七)

(乾隆二一、三、戊子) 戶部議奏：原任安徽巡撫鄂樂舜奏，宿州、靈璧、虹縣、懷遠、鳳臺、泗州、五河、臨淮、壽州、潁上、霍邱、盱眙、天長、阜陽、蒙城、太和、滁州、全椒、來安、和州、含山二十一州縣衛被災及勘成災田地應徵漕項銀米並舊欠，可否准與豁免。得旨：著照所請行。(高宗五〇九、一一)

(乾隆二一、七、戊辰) 免安徽無為、合肥、廬江、巢縣、壽州、宿州、鳳陽、懷遠、定遠、虹縣、靈璧、鳳臺、阜陽、潁上、霍邱、亳州、蒙城、